

Dazzle Food bina kilang RM300,000

DAZZLE Food Enterprise (Dazzle Food), pengeluar coklat tempatan milik penuh Bumiputera akan membina kilang pengeluaran bernilai RM300,000 di Semenyih, Selangor, dalam usaha meningkatkan perniagaannya di negara ini, akhir tahun ini.

Pengurus Besarnya, Noor Dina Mohd Tajudin, 26, berkata apabila kilang itu siap menjelang 2008, syarikat menjangka pengeluaran coklatnya dapat ditingkatkan kepada 100 kilogram (kg) sehari berbanding 20kg ketika ini.

Oleh itu, katanya, selaras dengan peningkatan pengeluaran itu, jualan coklat Dazzle Food juga diunjurkan mencecah purata RM100,000 sebulan, berbanding RM15,000 sebulan ketika ini.

"Sebelum ini, 20kg coklat digunakan untuk menampung permintaan semasa dan kami menjangkakan apabila kilang kami siap nanti, penggunaannya bertambah kepada 100kg.

"Seiring dengan kewujudan kilang itu kelak, syarikat bercadang membeli beberapa mesin dari Jerman bagi menampung kapasiti yang akan bertambah kelak," katanya dalam satu pertemuan di Kuala Lumpur, baru-baru ini.

Menurutnya, kilang pengeluaran di Semenyih yang akan dilengkapi dengan pelbagai teknologi moden itu adalah bukti komitmennya untuk mengembangkan perniagaan yang dimulakan sejak dua tahun lalu.



PELBAGAI
Noor Dina bersama
produk coklat
keluaran syarikatnya

Metro

Bisnes

bisnes@hmetro.com.my

Isnin, 30 April 2007